

ARLeF: bant di 35.000 euros pe Fieste de Patrie dal Friûl

A puedin partecipâ i ents locâi. La manifestazion principâl si fasarà ai 5 di Avrîl a Udin.

La ARLeF (Agenzie Regionâl pe Lenghe Furlane), inte suaze dal program anuâl pe **Fieste de Patrie dal Friûl** aprovât di pôc de Zonte regionâl, e sosten i ents locâi - in colaborazion cu lis Pro Loco e cun altris sogjets publics e privâts - te realizazion di manifestazions culturâls pe celebrazion de principâlricorence furlane. **A disposizion pes manifestazions a son un totâl di 35.000 euros**, e a puedin acedi a chescj fonts ducj i ents locâi che a àn la lôr sede legâl intun dai comuns che a fasin part dai teritoris des ex provinciis di Gurize, Pordenon e Udin.

Lis ativitâts culturâls che si puedin finanziâ pe celebrazion de edizion numar 43 de "Fieste de Patrie dal Friûl" (a 943 agns de nassite dal Stât patriarcjâl) e che a àn di jessi finalizadis a valorizâ lis origjins, la culture e la storie di autonomie dal popul furlan, a son: iniziativis indreçadis a fâ cognossi e/o aprofondî la lenghe, la storie e la culture furlanis, fasint partecipâ soledut i zovins; iniziativis destinadis a fâ cognossi la leterature e la editorie in lenghe furlane; raprezentazions teatrâls e concerti musicâi di cualitât, in lenghe furlane; acust e difusion di bandieris dal Friûl. **Lis ativitâts culturâls a puedin jessi fatis - dai 16 di Març ai 12 di Avrîl dal 2020 - di un ent locâl singul o di agregazions di ents.**

Il bant, il regolament e i modui pes domandis si puedin scjariâ dal sît de Agenzie, www.arlef.it, sezion Bants, garis, avîs 2020.

Lis domandis a varan di rivâ, **dentri dal tiermin perentori dai 18 di Fevrâr dal 2020**, dome cun spedizion vie PEC ae direzion: arlef@certgov.fvg.it. Par nissun motif a saran cjapadis in considerazion domandis che a vessin di rivâ di là di chel tiermin o cun altris modalitâts. Par dutis lis informazions sul bant, si pues telefonâ al 0432 555910, o scrivi a: federica.delpino@regione.fvg.it.

Il program uficiâl de Fieste de Patrie dal Friûl al previôt che la **manifestazion principâl** si fasi tal **Comun di Udin ai prossims 5 di Avrîl**.

Udin, il 1ⁿ di Fevrâr dal 2020

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / e-mail: arlef@caltpr.it
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<